

易學啓蒙通釋二卷圖一卷

（宋）胡方平撰 元刻明修本。框高二十·二

釐米，寬十二·六釐米。每半葉十行，行二十字，小字雙行同，黑口，左右雙邊。

胡方平，字師魯，號玉齋，婺源（今屬江西）人，約生於南宋寧宗時，卒於元初，蓋比同宗胡次焱（一二二九—一三〇六）稍早。宋咸淳中，方平任郡學賓師，入元不仕。曾師從朱熹之婿黃幹弟子董夢程、沈貴寶等人，得朱氏易學之真諦。潛心研究易學二十餘年，著《易學啓蒙通釋》。

此書採集朱子門人蔡淵等諸家之說，專為闡發朱熹《易學啓蒙》而作，為胡氏畢生精力之所在，堪稱易之精蘊，歷來備受重視。明楊士奇曾云：「朱子《易學啓蒙》，惟胡方平本最善。」此書約於元至元二十六年（一二八九）之前撰成。自至元二十六年至二十九年間，其子胡庭芳為將此書鋟梓，以成父志，往返數次攜書入閩。至元二十九年（一二九二），得熊禾、劉涇等人支持，由熊禾武夷書室刻梓，並為之跋。據宋胡次焱《梅巖文集》所記，胡次焱應胡方平之求，為之作序，並於至元二十九年，再作《跋胡玉齋啓蒙通釋》。

《四庫全書總目》稱：「據董真卿《周易會通》載，是書有方平至元己丑自序，則入元已十四年矣。然考熊禾跋，稱己丑春讀書武夷山中，有新安胡君庭芳來訪，出其父書一編曰《易學啓蒙通釋》。又劉涇跋亦稱，一日約退齋熊君訪雲谷遺跡，適新安胡君庭芳來訪，出《易學啓蒙通釋》一編，謂其父玉齋平生精力盡在此書，輒爲刻置書室云云，則己丑乃禾與涇刊書作跋之年，非方平自序之年，真卿誤也。」

據胡次焱《跋胡玉齋啓蒙通釋》稱「歲己丑（至元二十六年一二八九），雙湖攜入閩餞梓，留滯踰一年，辛卯（至元二十八年一二九一）秋再往；明年壬辰（至元二十九年一二九二）夏季回，留滯過一年，冒寒暑，疲跋涉，必成父志，乃已允謂孝矣」，知此書於至元二十九年夏季刻成，熊禾、劉涇分別於至元二十九年仲夏、季夏爲此書作跋，而非至元二十六年。四庫館臣所言疑誤。《書林清話》云：「熊禾武夷書室至元二十六年刻胡方平《易學啓蒙通釋》二卷」，蓋襲《四庫全書總目》之訛。董氏所言「方平至元己丑自序」，胡次焱、熊禾、劉涇等人均未提及，況此序今已不存，無考。

此本傳世極少，諸家書目均未錄，足見其珍稀。現藏中國國家圖書館。（李紅英）